

四庫全書

集部

欽定四庫全書

兩宋名賢小集卷一百八

宋 陳思 編

元 陳世隆 補

玩鷗檻詩稿

蔡確字持正晉江人嘉祐四年進士歷知制誥御史中丞參知政事元豐五年拜尚書右僕射兼中書侍郎哲宗立轉左僕射元祐中罷知陳州奪職徙安州又

徙鄧州坐譏訕責英州別駕新州安置

咏絮

楊花三月暮撩亂送春歸盡日間相逐無風亦自飛輕
輕攔乳燕故故撲征衣莫上高樓望徘徊滿落暉

有感

鸚鵡言猶在琵琶事已非傷心瘴江水同渡不同歸

蔡謫新州侍兒琵琶從馬嘗養一鸚鵡持正每呼琵
琶即一扣響板鸚鵡傳言呼之琵琶逝後悞觸響板

猶傳呼之持正感傷賦此不久遂終

熙寧六年

一作元年

有司言四月一日當日蝕上為微

樂避正殿一夕微雨不見日食是日有皇子之慶
因獻此詩

昨夜薰風入舜韶君王方避正衙朝陽暉已得前星助
陰沴潛隨夜雨銷

夏日登車蓋亭十首

公事無多客亦稀朱衣小吏不須隨溪潭直上虛亭裏

卧展柴桑處士詩

一川佳景疎簾外四面涼風曲檻頭綠野平流來遠棹

青天白雨起靈湫

一作秋

靜中自足勝炎蒸入眼兼無俗物憎何處機心驚白鳥

誰人怒劒逐青蠅

紙屏石枕竹方牀手倦拋書午夢長睡起莞然成獨笑
數聲漁笛在滄浪

西方髣髴見松筠日來看色轉新聞說桃花巖石畔

讀書曾有謫仙人

風搖熟果時聞落雨滴餘花亦自香
葉底出巢黃口鬧波間逐隊小魚忙

來結芳廬向翠微自持盃酒對青暉
水趨夢澤悠悠過雲抱西山冉冉飛

矯矯名臣郝甑山忠言直節上元間
古人不見清風在歎息思公俯碧灣

溪中曾有戈船士溪上今無佩犢人
病守翛然唯坐嘯

白鷗紅鶴伴閒身

喧喧六月浩無津行見沙洲東兩濱如帶溪流何足道
沉沉滄海會揚塵

蔡確以弟碩賊敗謫守安州夏日登車蓋亭作此十
絕時吳處厚知漢陽軍箋注以聞其畧云五篇涉譏
諷何處機心驚白鳥誰人怒劍逐青蠅以譏讒諧之
人葉底出巢黃口鬧波間逐隊小魚忙譏新進用事
之人睡起莞然成獨笑方今朝廷清明不知確笑何

事矯矯名臣郝甌山忠言直節上元間按郝處俊封
甌山公唐高宗欲遜位天后處俊上疏諫此事正在
上元三年今皇太后垂簾遵用章獻明肅故事確指
武后以比太后沉沉滄海會揚塵謂人壽幾何尤非
佳語宣仁盛怒令確分晰終不自明遂貶新州

題王維江行初雪畫

吳兒龜手網寒川急雪鳴蓑浪拍船青弋渡頭曾卧看
令人却憶十年前

觀燕公山水畫後有王荊公題詩

相君開卷憶江東
髣髴鍾山與此同
今日還為一居士
脩然身在畫圖中

兩宋名賢小集卷一百八

欽定四庫全書

兩宋名賢小集卷一百九

宋 陳思 編

元 陳世隆 補

據梧小集

蔡肇字天啟丹陽人能文尤長于詩歌初事王安石
見罷重又從蘇軾遊聲譽益顯第進士元祐中為太
學正通判常州召為衛尉寺丞提舉永興路常平

宗初入為戶部員外郎兼編修國史提舉兩浙刑獄
張商英引為禮部員外進起居郎拜中書舍人未幾
罷為顯謨閣待制知明州俄奪職提舉洞霄宮會赦
復知睦州卒坐黨籍斥不用有丹陽集三十卷弟戴
字天任工詩句法雅健嘗為晉陵主簿宣和末以宰
相薦改承事郎靖康中李綱辟辦公事建炎中詔宰
執薦士董耘以載應詔屢徵皆稱疾不就

題申王畫馬圖

天寶諸王愛名馬千金爭致華軒下當時不獨玉花驄
飛電流雲絕瀟灑兩方岐薛寧與申憑陵內廐多清新
肉駿汗血盡龍種紫袍玉帶真天人驪山射獵包原隰
御前急詔穿圍入揚鞭一蹶破霜蹄萬騎如風不能入
雁飛兔走驚絃開翠華按轡從天回五家錦繡徧山谷
百里烏珥遺塵埃青驪蜀棧西超忽高準濃蛾散荊棘
苜蓿連山鳥自飛五陵佳氣春蕭瑟

冬日遊甘露寺

漕河膠舟水流咽水關著鍵行者歇大江伏槎卧長劍
萬頃濕銀寒不結蓬萊諸仙亦避寒海門冥冥凍欲圻
朔風吹晚雁叫空蓬蒼松杉崖石裂道人丈室最高處
地爐蒲團穩坐熟我來乘閒不問道方牀相對無言說

立春日焦山留宿

歲為茲山一再登渡頭飛閣獨相凭雲生江海交流處
人在松蘿最上層殘雪既能留野客春風先與報山僧
憑誰遂上東巖宿更約花時命杖藤

題畫授李伯時

鴻雁歸時水拍天
平岡老木尚依然
借君餘地安漁艇
乞我寒江聽雨眠

汎舟橫塘遇雨

平野風烟入夢思
殷勤作畫更題詩
扁舟卧聽橫塘雨
恰遇江南歸雁時

題李世南畫扇

野水潺潺平落澗
秋風瑟瑟細吹林
逢人抱瓮知村近

隔塢聞鐘覺寺深

過邢惇夫墓下作

人物於今歎渺然孤墳宿草已生煙日暮行人道傍會

應逢年少與

一作談玄

至學省作

天啟為博士三年不遷因再至學省而作此

平生擾擾復膠膠學省重來歲又交騎馬醉遭官長罵
讀書慚被學生嘲何為眷戀米三斗便可經營宅一茅
好買江干千个竹待看煙雨長春梢

送洞元法師歸茅山三首

絳節飄飄下紫清
更參隱訣制顏齡
若逢方丈龐眉叟
來愛囊中赤甲經

崇寧新閣連雲起
天篆浮空寶氣飛
帝遣羣龍常護守
池潭風雨夜深歸

一菴疇昔共嵌峯
古木垂陰歲月深
恐是三生房次律
要隨藤杖去重尋

題三茅風雨圖

筆間雲氣生毫末紙上松聲聽有無
收得三茅風雨樣
高堂六月是水壺

山亭山頂白龍穴

南山夔夔天作鼓號召諸龍盡行雨
惟有禿角最先到
潑墨雲中鱗鬣舞

兩宋名賢小集卷一百九

欽定四庫全書

兩宋名賢小集卷一百十

宋 陳思 編

元 陳世隆 補

蘿軒外集

晏殊字同叔臨川人七歲能屬文景德初以神童召
試賜進士出身累擢知制誥翰林學士慶厯中拜集
賢殿學士同中書門下平章事兼樞密院使出知永

興軍徙河南以疾歸京師留侍經筵卒贈司空兼侍
中謚元獻有臨川集紫微集

和王校勘中夏東園

東園何所樂所樂非塵事野竹亂無行幽花晚多思閒
窺魚尾赤暗辨蜂腰細樹影密遮牀藤梢狂冒袂潘蔬
足登膳陶秫徑取醉幸獲我汝交都忘今昔世歡言捧
瑤佩願以疎麻繼

列子有力命王充論衡有命祿極言必定之致覽

之有感

大鈞播羣物零茂歸自然默定既有初不為智力遷禦
寇導其流仲任派其源智愚信自我通塞當由天宰世
曰皋伊迷邦有顏原吾道誠一槩彼途鍾百端卷之入
纖毫舒之盈八埏進退得其宜夸榮非所先朝聞可夕
隕吾奉聖師言

巢父井

稟生值堯年率性在龐厚安巢一枝上豈曰鷄居陋穎

波人洗耳曾不污牛口諒茲耕耒暇鑿飲隈林藪含飴
鼓其腹帝力予何有遂令千載外此地存遺甃泓然逼
喬木宛若棲堦舊鄉人揭題勝行旅詣瞻覲我來觀古
蹟愕立徘徊久淒其望清風不獲見師友願言斟一勺
拭面洗心垢翹勤慕高躅感慨陳卮酒思齊胡可望庶
以寬庸替夙駕恨長途憑高重回首

奉和御製後苑海棠

太液波才綠靈和絮未飄霞文光啟旦珠琲密封條積

潤涵仙露濃英奪海綃九陽資造化天意屬喬絲

海棠

杳靄何驚目鮮妍欲蕩魂而人無限思當畫不勝繁浩
露晴方浥遊蜂暖更喧只應春有意留贈子山園

和樞密侍郎因看海棠憶禁苑此花最盛

青瑣曾留盼珍叢宛未移幸分霖雨潤猶見艷陽姿
幘來朱檻攀條憶絳蕤能令人愛樹不獨召南詩

假中示判官張寺丞王校勘

元已清明假未開小園幽徑獨徘徊春寒不定斑斑雨
宿醉難禁艷艷杯無可奈何花落去似曾相識燕歸來
公先得上句王遊梁賦客多風味莫惜青錢萬選才
琪為對下句

安昌侯

蓮勺移家近七遷魯儒章句世相傳關中沃壤通涇渭
堂上繁多疑逐管絃身服儒衣同蔡義日將卮酒對彭
宣高墳丈五陽陵外千古朱雲氣凜然

海棠

輕盈千結亂櫻漿占得年芳近碧櫳
逐處閒勻高下夢
幾番分破淺深紅烟晴始覺香纓
疑誤綻目極猶疑螭帶
融數夕朱闌未飄落再三珍重石尤風

題睢陽五老圖

道明回詔樂清閒便向中朝脫冕冠
百日秉樞登相府
千年青史表旌桓泰運正隆嫌氣熱
乾綱初整畏冰寒
逍遙唱和多高致儀象霜風俾後看

初秋宿直

欽定四庫全書

兩宋名賢小集
卷一百十

四

絳河星斗夜闌干
禁署沈沈閉九關
上帝冊書羣玉府
仙人宮闕巨黿山
涼蟾影度秋陰薄
促漏聲來夜唱閑
擁鼻吟多欲愁絕
嚴鐘淒斷樹烏邊

送凌侍郎歸鄉

一作送林侍郎還知宣州

江南藩郡古宣城
碧落神仙擁使旌
津吏戒船東下穩
縣僚負弩盡歸榮
江山謝守高吟地
風月朱公故里情
曾預漢庭三獨坐
府中誰敢伴飛觥

寓意

油壁香車不再逢
峽雲無迹任西東
梨花院落溶溶月
柳絮池塘淡淡風
幾日寂寥中
酒後一番蕭索
禁烟中
魚書欲寄何由達
水遠山長處處同

春陰

十二重環閤洞房
愔愔危樹俯迴塘
風迷戲蝶閒無緒
露裊幽花冷自香
綺席醉吟銷桂酌
玉臺愁作澁銀篴
梅青麥綠江城路
更與登高望楚鄉

賦得秋雨

點滴行雲覆院牆
飄蕭微影度迴塘
秦聲未覺朱絃潤
楚夢先知薤葉涼
野水有波增淡碧
霜林無韻濕疎黃
螢稀燕寂高牕暮
正是西風玉漏長

涵虛閣

水有支流樹有孫
重重門巷掛朱軒
三君雅範標人望
千里澄波隔世喧
西對戶庭徐孺宅
密傳鐘梵給孤園
欲知嗣續無窮勝
兩兩榮歸漢使幡

海棠二首

濯錦江頭樹移根藥砌中只應春有意偏與半粧紅
昔聞遊客話芳菲濯錦江頭幾萬枝縱使許昌詩筆健
可能終古絕妍辭

咏鳳仙花

九苞顏色春意動丹穴威儀秀氣攢題品直須名最上
昂昂驤首倚朱欄

雪中

平臺千里渴商霖內史憂民望最深衣上六花非所好

畝間盈尺是吾心

金柅園

臨川樓上柅園中十五年前此會同一曲清歌滿樽酒
人生何處不相逢

詠上竿伎題中書壁

百尺竿頭裊裊身脚騰跟掛一作倒駭傍人漢陰有叟君

知否抱瓮區區亦未貧

日鑄茶

稽山新茗綠如煙靜翠筠龍

一作都藍

煮惠泉莫向人前殺

風景更攜醪醕醉花前

轉運度支得青州資政黃素書韓吏部伯夷頌許

昌相公以詩跋尾遂為七言因而寄及謹用拙篇

紀咏

首陽垂範遠吏部屬辭深染翰著嘉尚系言光德音褒
崇亘千禩精妙極雙金題詠益珍秘用昭賢彥心

西垣榴花

山木有佳實托根清禁中歲芳搖落盡獨自向炎風

孟蘭盆

紅白薇英落朱黃槿艷殘家人愁溽暑計日望孟蘭

崇因寺

捲簾山色眼前見入夜濤聲枕上聞苔徑雨餘堆落葉
石樓風靜鎖寒雲

附錄詩話數則

晏元獻善評詩嘗云老覺腰金重慵便枕玉涼未是富

貴語不如笙歌歸院落燈火下樓臺此善言富貴者也
人皆以為知言 歸田錄

公有題新昌石氏山齋句云書仙十閣壯儒宮靈越山
川寶執雄又與張臨川云籬邊菊秀先生醉桑下雛嬌
稚子仁又送張明州云騷客登山知有助秦源雞犬更
相聞

公有與客飲紅梅花下詩曰若更遲開三二月北人應
作杏花看客曰公詩固佳待北俗何淺也公笑曰顧儻

父安得不然一坐絕倒

宋莒公見晏公佳句輒書于齋壁如無可奈何花落去
似曾相識燕歸來靜尋啄木藏身處閒看遊絲到地時
樓臺冷落收燈夜門巷蕭條掃雪天已定復搖春水色
似紅如白野棠花之類後人多不可及 青箱雜記

韓子蒼嘗與呂居仁閒論前輩所作上元詩居仁曰晏
元獻云樓臺冷落收燈夜門巷清虛掃雪天最佳直是
說得出不可及後見呂郎中有詩云江城氣候猶含雪

草市人家已掛燈豈用晏意耶

公有送人知洪州詩云千斗氣沈龍已化置芻人去榻
猶懸

孫少述栽竹詩曰更起粉牆高百尺莫令牆外俗人看
晏臨淄曰何用粉牆高百尺任教牆外俗人看處士之
節宰相之量各言其志

句

水從太液池邊動柳向靈和殿裏看

閒思北闕銀宮畔誰架丹山白鳳凰

玉女雕瓊蕊仙禽自

疑是白

菊衣

喚得梅蕊要同韻羞殺梨花不敢香

醉輕浮世事老重故鄉人

若教花有語却解使人愁

東陽詩骨瘦南浦別魂銷

謬道忠心比芳草不知譏舌起椒蘭

几銘

小飯防噎跬步防跌中有角墊衣存袂缺惟忠與孝則
罔摧折

兩宗名賢小集卷一百十

欽定四庫全書

兩宋名賢小集卷一百十一

宋 陳思 編

元 陳世隆 補

倚松老人詩集上

饒節字德操撫州人曾布之客也性剛峻與布論不合因棄去祝髮為浮屠更名如璧自號倚松老人

李太白畫歌

先生之氣蓋天下當時流輩送百合醉中咳唾落

一作雨

珠璣身後聲名滿夷夏青山木拱三百年今晨乃拜先生畫烏紗之巾白紵袍岸巾攘臂方出邀神遊八極氣自穩冰壺玉斗霜風高嗚呼先生太絕倫仙風道骨語甚真肅然可望不可親懸知野鶴非雞羣天寶之初天子逸先生辭去不肯屈采石江頭明月出鼓棹酣歌志願畢只今遺像粉墨間尚有英風爽毛骨宣州長史粉黛工誰令寫此人中龍細看筆意有俯仰妙處果在阿

堵中人云此畫世莫比吳侯得之喜不寐意侯所愛豈
徒爾亦惜真才死泥滓先生朽骨如可起誰為獵之奉
天子作為文章文聖世千秋萬古誦盛美再拜先生淚
如洗振衣濯足吾往矣

送傅仲默登第歸麻姑

謝安中年不堪別況我與子本末同臨川古郡著名數
麻姑且在邦域中

建昌舊屬臨川

與君同方復同術十年共度

蘼蘼日一身爛漫天地中萬里風霜今白髮南山之封

木拱矣此身萬事相終始何知遲暮猶羈旅夜雨對牀
輒三起君今先著祖生鞭我窮未辦買山錢君行啟我
方寸亂抱琴長歌聲徹天西風蕭蕭木脫葉表裏家山
落眉睫為誰淮南大小山雖在侯門不彈鋏

石魚行贈靈壁張氏

磬石山中石無主百里厚坤不承土土人出石如出金
掘地及泉隧而取重重徹之如徹席凡材頑狠丘山積
中藏一板金玉精定是陶鎔鬼神力黃鐘之律生于黍

近代縱橫不如古

近世定樂或以縱黍累尺黍大而尺長或以橫黍累尺黍細而尺短

生此材豈苟然伐而用之百獸舞師襄入海工不精且

製嘉魚大小鳴大為王鮪施僧飯小為魴鰈依石屏君

家二尾儻遺我要喚兒曹坐睡醒

遇里人道及鄉閭事作詩寄謝無逸

敝貂去國漫西東聞說

一作閒想

鄉閭夢寐中賈豎裹頭仍

納婦驪駒將子又追風雲山何處非投老文史他年不

療窮富貴可求吾亦願眼看餘子化王公

次韻彭聖從秋興

淡雲疎雨承秋早
白露清風引夜長
已見畢星朝北極
似聞驍騎卷西涼
隻雞還我田家味
小鳳須君官焙香
千古步兵今遠矣
屬誰長嘯作鸞凰

阿智歌

呂卿諸子森如蜎
不作汗一作世間兒
女氣封胡羯末自
行列麟鳳龜龍各
異致小兒阿智有
七齡衮衮似欲無
諸兄疎眉秀目澹
玉雪覆肝立壁開
天庭自從諸兄投

孝經淋漓筆墨有典刑客來推席儼在庭舉頭揮客客
為驚吾知呂卿大源委黃河崑崙千萬里政令九圮出
其中不扶而直麻生蓬況如此雖落落自奇偉出門汗

血當追風

一作少九易
抹當追風

山居雜頌三首

溪邊小立聽溪聲日到溪心滾滾明獨木自橫人不渡
隔溪橫犢轉頭鳴

華嚴臺

一作堂

上平如掌自是遊人路不通要識普賢真

境

一作法

界亂山如浪湧

一作白

雲中

數日春晴退水痕
落花如抱擁藤根
過盡遊人渾不見
人隨波浪下前村

次韻米元章壯觀

曉色村村澹春風
樹樹穠穠八窗中
夜月千里隔江峯
酒道窮通樂詩原
左右逢客來應下
榻石鉞煮長松

息慮軒詩

雨暗藤經屋春深
草到門客來非問
字鶴老不乘軒
花

氣翻詩思松聲撼醉魂呼兒換香鼎趺坐竟黃昏

送梅郎一首

梅郎可愛如蜀柳風流似是子真後抱器來賓太學堂
五年自袖采蘭手來時落鴈搖虛弓汗血長鳴西北風
自擔壞韓復蠹魏可憐一無咫尺功我亦數竒困蓬累
玉山冰川失眠底永嘉堂上聞阿連墮食正冠為君起
君今製衣作行具何以贈之白鷺羽殷勤持送重似人
漠漠深藏飽魚蠹船頭逢逢奏曉鼓卷簾卧看春江雨

到家春溫鴈且北寄聲布帆無急不

鄰居遺湯沐浴

都城甘水嗇于酒擔頭取飽得滿缶每憶江湖萬松底
夜半酒醒挽石斗如今長卿不滿喉豈有溫泉濯汙流
岑岑背若負芒刺每向一飯懷千憂君家有酒金作欄
輓轡可取不可殫大奴分遺足一斛洗我塵垢生羽翰
人生生理易與耳輟洗為君起長歎

送宿州晁祖禹簽判

祖禹承謨簽宿三年郡事倚
辦為多僚屬士民莫不嗟惜

其去節作小
詩脚致意焉

一見晁公子雍容前輩風
規為俗吏外步作古人中
環佩千官合梯航九驛通
空虛循吏傳誰為薦諸公

從人覓山水扇二首

少壯崎嶇山水間
短衣楚製略勝寒
年來疲病歸期墮
只乞君家便面看

愛君才氣恥言兵
欲倚詩書繼老成
手裏林泉當付我
恐妨抽板揖公卿

書天源河上友人壁

春色撩人不奈渠紅塵無處可飛鳬懸知桃李付流水
來看垂楊十萬株

次韻答陳考城

袖裏楞伽非世書了知乾沒未殊途會攜他日已漫刺
歸謁南山五大夫

冬日書謝氏園壁

瓦缶藏春土脉乾媽香已謝菊花團履聲遶盡欄干曲

肅肅松風作暮寒

送同舍葛茂遠還浙東二首

豈無強醉楊司業
固有無錢鄭廣文
三請未能勤問道
一歸今日願從君

隋河東下一千里
僮僕未知行李勞
聞道起苗今結子
為君飽食賦離騷

趙元違婦孕不育
後數日其猶子生
一女子二子
皆有戚戚之色
戲作此詩開之

十年不見陳驚坐二子相逢心亦可高帝子孫果隆準

杜陵先生豈欺我甘陵夫子孕不育世無元化操五毒

乳醫袖手輒寤生不藥而喜神所福君家阿濟

王湛之姪願

未髯頗恨生子不生男人間久乏古烈女世上多歎吾

兒凡應當有子問賢否弄璋弄瓦詩人口木蘭買馬替

爺征班超嗣兄成漢表人生得此二子者安用癡兒開

昏曉況君各自富春秋有女如玉方好逑必欲商瞿有

男子殷勤更問東家丘

送彭淵才如北都

武學如水馬盡日忙不進結交有神奇所得盡豪俊十
年困三舍萬事劉兩鬢風流半零落吾道或拘窘彭侯
南方來超妙

一作有意象

有遠韻落落澗壑姿倒屣解吾慍胸

中幾年讀正朔謹堯舜盤孟百家伎鉤致得幽蘊

一作初手

探其蘊夜半一商略氣與山嶽峻方君及衛霍自是老行

陣崢嶸濟時術百未一見信自言窮達機默與寒暑運

功名蓋

一作或

偶然未暇以身徇偉哉君子勇一語破幽

憤何時燈火底懷抱為吾盡

賦王立之家四梅

化工轡六龍風雷與推軌談笑却冰雪咄嗟辨桃李紛
紛西園英轉眄即填委獨餘四種梅冰玉自標置豈爭
滕薛長未與管晏比微風挽寒條草木競披靡蠟梅異

一作妙

天質芳香輩

一作乾

蘭芷

一作蠟梅

正如蠟為之樹絕不類梅其香正如蘭

多

葉美無度勝韻洗貪鄙紅梅拂一作傳曉粧深淺自有體

單白亦閒淡冷艷照流水初如王謝郎雍容各簪履出

處豈皆同一一竟可喜此花固不凡俗眼自多昧栽培
或一遇得此輒遺彼君家獨兼有班壓萬紅紫況當春
社前朝暎媚一作麗窗几我無筆五色為此了衆美安得
九轉丹暫起萊陽吏

寄曾伯容

豈是從前蹤跡疎三年不送一行書襄山倘有陪鄰地
為問洲中種木奴

虞姬墓

風悲月黑楚歌聞泣下虞兮夜未分
千騎星飛向前死不知誰為閉荒墳

用海印和尚韻和吳提刑遊山頌

白崖老將臥遙岑
苗裔分明祖少林
遂有樂天來問道
不妨黃蘗為傳心
繩牀斜月坐秋晚
石鉢寒泉語夜深
一枕竹風清未晚
堂堂魚鼓現觀音

答惇上人二首

因君掩我強題詩
却憶當年夢裏時
不識江南好風景

採蘋人唱鷓鴣辭

少矜平子四愁詩晚學趙州十二時
千里故人不解事
書來猶記竹枝辭

雨中同無求遊龜山勝相觀丈六金銅像歷諸小
刹無求作詩紀事次其韻三首

細雨無烟畫不開杖藜同訪古如來
聲求色見無非道
舉似時人一任猜

芒鞋印雨涉泥行誰是官人誰是僧
我已無心慕支遁

君今寧復愧孫登

剝啄敲門驚隙塵開門隨處得清新獨憐桂子花開處
不見題詩病道人

次韻劉無言遊法雲寺

磨蟻迭左右鐵炭互俯仰歲月如牧馬快驟脫羈鞅方
希草玄雄未羨畫眉敞劉侯啟予者險韻寫勝賞讀之
令人醒居然見圖像我昔從此遊僧梵薦盼蠻撞鐘鳴
木鯉破我顛倒想百年能幾許萬事苦鞅掌喪身聲利

場齒角代犀象前輩曉星散後生春水長君看門外轍
盛氣日來往道人初不省禪寂異霄壤提琴寫我歎中
夜發哀響

龜山戲贈諧文章

水母潭邊窳堵波下頭有箇老禪和蒲鞋舊一作異日曾

供母寶壽平生不渡河衣鉢三千舊風景一作形模十

二古頭陀是凡是聖人休問門外寒松卷薜蘿

次韻答曾仲成二首

曾侯果勝流折節事膏火年來何轉窮正以工詩坐可
憐哭鬼句不救采薇餓平生九品祿團團螳旋磨歸來
卜我鄰步屨得相過劇談到理窟我義危欲墮世人富
貴忙此樂渠不那春山正可尋我行公亦可

我老不能世百念久灰冷偶隨出山雲托跡暫人境偕
問交遊人出處各形影其或李廣奇其或衛青幸如公
不世才跼步可臺省何為賦歸來欲近沃洲嶺夜半哦
公詩月寒心恹恹

次韻應銓詩

誰養山中雲館我雲中
宇山深雪常潤出戶須芒屨可
憐雲中人過我一飯去

和劉仲高過虎溪絕句

先生自得遊山體
竹杖芒屨手自提
莫問山僧山裏路
曾侯谿是舊時谿

百舌

多能百舌弄春晴
解作春風百鳥聲
獨立高林千尺上

黃鵬無數不能鳴

長老欲敲去竹枝透風作涼以頌上之

寒梢展盡玉玲瓏細葉斜枝翠幾重何必敲開損高節
此君元自有清風

用韻自詠倚松一首

庵外無人誰過前老松千丈獨參天煮茶春水漸過膝
却虎短牆纔及肩已退晚雲歸浩浩未分芽菊競鮮鮮
客來問我何時住笑指松枝數歲年

凡木惟松枝一歲則長一層歷歷可

數

兩宋名賢小集卷一百十一

欽定四庫全書

兩宋名賢小集卷一百十二

宋 陳思 編

元 陳世隆 補

倚松老人詩集下

次韻鑑碧軒

當軒方鑑碧溶溶無事道人居此中
弟子來參洗鉢話
朋遊舊識釣魚翁
一奩深綠桃花雨
數尺寒漪竹葉風

箇處好懷誰共委俯看飛鳥過晴空

上苑謙叔左丞求退

老驥伏櫪志千里烈士暮年心不已不用悲歌擊唾壺
尚挾平戎獻天子書成未上忽自悟便逐道人林莽去
年來着脚古道場疾病魔人無屏處不過我公如古人
零落離披作風絮我公德量大如海太平天子待真宰
乞身莫待我公行早向千峰萬峰外

送莊季裕宣教

莊侯目如巖下電墮淚碑旁始相見松間經行倚松語

袖有普賢真行願

李裕以行願品作小勝袖之隨處散貼

春風昨夜忽言

別楚兒把耒耕殘雪野人無以贈吾行山杏溪桃為君說

韓升之主簿惠示襄陽雜咏詩淳深高古吟諷不置輒用醉後書懷贈彥履韻以釋其意

刮磨習氣如洗爵惟餘好古情未薄向來詩軸入松門便對屠門先大嚼吾儕事業如石田筆墨魔人妨夜眠

如公萬卷暗不吐使者旁午誰見憐方今神武拓疆土
超擢賢才固其所莫歎簿書官祿微黃鍾大呂生一黍

次韻卿山主梅花

歲事功成雪洗塵化工著意製清新遂教天下無雙色

來作人間第一春未許

一作辨

調羹傳巖老聊從

一作牽

興杜陵人遙知月下遶千匝桃李成蹊未是頻

王通判雪中來訪以頌謝之

料峭嚴風雪滿山馳裘絮帽叩松關知公不減王子敬

乘興何妨見戴逵

次韻關子開

我初註誤背簪纓君亦前生失念僧得意那知蟻旋磨
及身方悟鼠侵藤高才自合參廊廟朽質聊須活斗升
已破小團盟異日速來相就鑿春冰

用前韻答呂無求

聰明彊健不聾聵承時出高言欲作僧客至解衣揮玉麈
詩成落筆掃溪藤園如靖節不難去座比維摩豈易升

退食略無聲色累自磨煤麝寫陽冰

青原臺詩

為錢大任
宣教作

五馬胸中足丘壑駐車決遣有餘樂自言新廣青原臺
不減滕王舊江閣滕王閣上當年路靜中懷抱時來去
聞說青原比像間表裏江山便知處使車時此攜佳賓
與人同樂不同羣倚欄自得新詩句矯首長懷古道
青原親見曹溪祖渠有兒孫住山谷問公何處見青原
杳杳飛鴻掠雲去

來書云此臺大略似滕王閣臺在廬
陵望青原諸山青原即恩禪師道場

豫章寶智上人持高子詩求和

我客飛來峰一室聊自適
關門不敢開怒風退六鷁
啟門者為誰起我止禪寂
稻麻竹葦中見此一英特
手攜高子句按譜恣遊歷
高子我舊遊伉俠不易得
憶昔京城隅王郎古道直
當時會今地爛漫存轍蹟
翳君入社晚感事一嗟惜
安待賦歸堂尋盟合琮璧

潤屋軒詩

層崖如立壁秀潤初欲溜
下有癭道人異時妙基構
為

山不為屋豈待吉日戊軒成玉滿家不減朱門富松篁
既崔錯雲霧亦臻湊霜威入松骨古滑咽泉竇谷風卷
簷回浩蕩金石奏騷騷烏夜啼鼎鼎雉朝雉時於藤蘿
中便捷一猿透客來坐胡牀紙帳卷輕皺兒童敬杖屨
文史當坦豆微薰出小鼎長筍上虛梵此樂師一作君有
餘何為尚奔走記我識師一作君初昂昂野鶴瘦風姿入
清古氣象脫凡陋我遊山海間未獲一角獸如師能一作
亦幾何不落餘子後師一作君如佳少年氣出萬夫右平

生千鈞弩要以一手穀雖未鬚眉蒼典刑已可候汲深
非短綆善舞屬長袖願君浚其源故道或可復功成歸
北軒趺坐了昏晝

待不愚入山未至

天寒歲暮山骨冷一枝兩枝梅半開酌泉煮茗湯欲竭
彌天道人猶未來

江上

秋江渺渺秋風急蘆花不飛露獨濕江頭倚杖不逢人

鷺鷥飛上漁舟立

送張師哲秀才出山

已向塵籠透此身來尋擊竹悟人心人眠雲未出山去
溪月松風可負君

過漢東

野菊秋深滿意黃一川禾黍擁人香懸知歲樂農無事
已見茅簷壓酒嘗

次韻呂居仁送李商老兼簡李去言兄弟諸同參

五首

歲月如翻江學道若農務道人競寸晷政以生死故耽

耽鷺闔池落落鶴警露瞥然忽

一作或

中的優曇濯泥污

何當

一作須

一鼓作姑置管城兔

開門對南山萬物盡昭告自是君不領豈是君不好諸
人如驥子矯首萬里道援琴欲寫之從軫不能操請子
亦試

一作

停手跌坐西南輿

同參如用兵各出不會期一將夜破敵諸將或未知如

何衛霍材局趣窺短籬軍儲有糧數歲月未易支惟兵
不可宿早寄入塞詩

角巾拂彈棊

一作累丸
承秋蛸

運斤斲蠅翼當時未得妙豈暇

日入息譬如河漫流難以一簣塞飲食男女間嬉笑中

盜賊要須了

一作理

其原及此未曛黑

李氏澤北海

李公擇
兒孫也

富此明月珠諸郎皆可人共出堯

舜途之子見我時抱負勤

一作煩

髯奴江頭一再見凜凜

氣百夫贈

一作錢

子伊字門不類城旦書

次韻靈隱小軒

小軒容膝趣清深只有溪風夜月侵
絡石靜移春後蔓凌霄危露雨中心
松窗舊草秋蛇帖隸几誰賡雪子吟
他日幽人問佳致茂林修竹似山陰

閱舊詩軸見夏均父和晁之道次其韻寄伯容仲
成均父諸友

往者少年日所慕韓伯休涉世更百難
得交多勝流當回時俗駕喘汗困萬牛
晚看故曹耦半逝半乃侯侯者

朱其輪逝者臥荒丘荒丘不足悲朱輪或可羞翻然乃
自悟庶幾桑榆收朋儕競挽止一往只掉頭我豈築室
愚喋喋于道謀向來漢上行懸知計未優重念佛祖心
獨往恐不酬細省叢林敗百孔如破裘出有造請惡入
懷薪木憂雖云學道輩坦途多不由欲我獨挽之難成
推陸舟歸來擁白雲草茅有前修擔不出山去三更林
莽秋寄聲二三友興來過我不

次韻李由義見贈之什兼簡若谷居仁

行年本數奇閱世復癡絕
嶢然寒餓表但未朋友缺
晚得二三子楚楚著行列
家學有師法保身盡明哲
堂皇建鐘磬戶牖照玉雪
白晢采蘭手未負如意鐵
由來石中璞不在苦分別
當時偶一見頓使我心悅
道喪古人遠君子或降節
狐裘倘羔袖豈待跼與桀
若人苟相久可以輔袞拙
歡喜奏微吟聊嗣登歌闋

次韻劉時可將赴宣州幕

我客汴之濱夢寐大刀頭
幸逢劉伯倫衣冠少其流
胡

牀白羽扇語穩氣不浮異時果下馬髣髴遍九州每思
張翰鱸為登王粲樓食貧節益苦異哉居拙謀宣州雖
多賢祿仕恐未優長女嫁及時大兒婚可求長才不自
獻澹與衆人儔君其吏隱歟吾亦滄海遊

次韻謝公定時夏均父招諸客泛舟遊百花洲

好事屢載酒扁舟每乘興況當秋氣清開我心若鏡風
漪盛寒綠日榦卜修影却從蒼翠中羨彼各飛泳翱翔
數伎翼白小一寸命微物有至樂此理須自領君侯靜

無譁敢以一言請人生百年爾飛電作光景試看楹間
懸俯仰歲月永堂堂寇萊公祀事薦時餅吾徒豈不老
啖蔗入佳境况茲詩酒習已自破清淨聊須明月來褰
裳踏歸艇

雨小霽登南寺閣

登樓望四垂縮縮雨小休老木藤蔓活古殿金碧流浮
雲捲豈盡落日不可留無人相與語鸛鵲漫啾啾

送印大師參靈峰卿老

四海無家一道人雲山未肯便安身
冷泉亭畔腰包去
芝草峯遣更問津

乞石菖蒲

香綠茸茸一寸根清泉白石共寒溫
道人好事能分我
留取爛斑舊蘚痕

送通上人為長蘆行乞

白蘋風作蓼花秋萬頃寒濤卷底流
八百道人禪定起
送君持鉢上行舟

偶成

松下柴門閉綠苔，只有蝴蝶雙飛來。
蜜蜂兩股大如蘭，應是前山花已開。

捫蝨新籬

甕牖近山巔，人言闕短垣。聊須安虎落，未免伐龍孫。
留路依松罅，埋椿避石根。從今有來客，道得始開門。

和不愚兄

四海歸來坐太平，莫令華雨惱空生。
歸雲無事朝猶卷。

老馬休心夜不鳴勝處林泉九節杖閒中日月二升鐺
曉來乞火打庵戶想見春風一夢驚

次韻競上人

好處從來自不傳少時喜樂似初禪為山何止不成簣
掘井于今未及泉自了一身同昨夢頓麾萬事付蒼烟
因師聊作逢場戲老馬為駒不受鞭

示衆看花

尚有餘春可盡歡何須終日遶闌干倚松庵畔見春後

人間春色不須看

訪韜光庵主不遇

紫蕨伸拳筍破梢
柳花飛盡綠陰交
道人閉戶不知處
黃栗留鳴鵲在巢

呂無求以詩堅同舟為嵩山之約次韻報之

我窮走四方
瑣瑣知交態
呂卿晚定交
槁質賴沾溉
筆端有神奇
胸次無疆界
平生書畫船
往往出光怪
我非張孝廉
招呼許同載
顧我念嵩洛
如瘡思一噫
况非西

北帆一枕千里快便當謀吉日恐負遊山債

一云少室非庚嶺肯

負衣鉢債注云無求嘗許以懷禪衲衣見供故因以堅之

兩宋名賢小集卷一百十二

欽定四庫全書

兩宋名賢小集卷一百十三

宋 陳思 編

元 陳世隆 補

鄱陽集

彭汝礪字器資饒州鄱陽人治平二年舉進士第一
累遷監察御史裏行首陳十事指擿利害多人所難
言者元豐初以館閣校勘為江西轉運判官數上疏

論事元祐二年超為起居舍人權兵刑二部侍郎進
權吏部尚書以寶文閣直學士知成都府未行又降
待制知江州至郡數月以病去卒年五十四

瓦鼓

自新建令
仲文得之

客遊南昌歸歸我四瓦鼓渾完甄治工質樸排罌甌觸
之散遺聲往往中商羽聲來殆天得不用詢有瞽野心
愛不徹取之置林宇竹稍奏清風似喜佳物伍岸巾策
筇杖共爾蠲毒暑世浮見此拙坐覺幽興聚丹楹惜異

時黃檗想淳古君年比余少能亦珍此否

雪夜飲分題得雪字

顛風夜號花木折平明堦前三尺雪誰家羌笛落早梅
中夜南樓對明月苦寒厭厭祇夜飲朔風吹人毛髮縮
公才奔放欲萬里應恨低回受羈紲一巢安穩身自在
生涯卻羨鳴鳩拙人生值遇行樂耳世事悠悠無可說
偶有名酒須盡歡醉後嗚嗚呼耳熱君不見戍卒征南
凱未旋戎衣雖厚冷如鐵

寄友人

漢上近多雨江頭應好風想君當此際掛席隨孤鴻翔
龍壓大浪畫鷁凌長空男子四方志生時射桑蓬爾來
何遲遲吾憂祗忡忡安得百頃田稍鄰五老峯早賦歸
去來同為採芝翁

讀史

婁敬脫輓輅獨建金城安韓信出羈旅遽上將軍壇謀
出萬乘驚名飛百夫歎丈夫松桂姿直氣虹霓蟠得時

樹功業未謝妻與韓

次韻堯民同年

飛雪鱸長鯨浮蛆潑新酒故人不我過絕壁頻回首北
崗無斷絕參錯分燕豆觸目事漸新愴懷治平舊龍飛
第一磅四百如蘭友勁氣沮金石高文爛星斗我衰也
久矣彫落幾無有未去真厚顏欲歸猶掣肘盤根發餘
刃想見敏捷手江湖被郭郭雲霧生戶牖顧瞻良集易
歎息幽期後吟到詩輒成吾窮久箱口

答同舍游凝池

仙宮神靈之所宅樓閣倚天一千尺先生好遊猶挾冊
藜莧不慙吾鼎食凝祥池頭三月春腰金騎犢多貴人
天遠五嶽烟霞閭海上三山雨露新蛺蝶能飛燕能舞
鳳凰在雲鴻在渚仙人參鸞入雲霧寂寂不聞青鳥語
洞天落晚日沈沈漁舟縹緲桃源深紅玉坐看花着子
青雲行見葉成陰疾雷怒飛風雨急瘦馬不行歸旆濕
投閒一日須一來歲時變化猶呼吸

栽竹

一生正能著幾履曠達人稱阮遙集何可一日無此君
風流我愛王參軍夏葛冬裘我便足由來世間無可欲
但栽翠竹滿東林我日對之歌且吟

送穎叔帥臨洮

風如疾雷雹如茅積雪如丘擁道路蔣侯車馳挽不住
見說西人復嘯聚目視陰山欲飛去蔣侯文如江海注
一決萬里無盡處筆落在紙成雲霧氣吞雲夢八九數

力轉丘山縛螭虎終日笑言公不怒三軍號令成樽俎
夏虜膽落汗流沚邊人乃至歌五袴昔聞禁中得頗牧
今見南陽稱召杜前席宣室毅已暮勅功燕然無可慕
歸來徧作人間雨杖杜吾當為君賦

彥衡約飲湖亭行不及赴

主人欲畱客其意良已厚行子念于役奔命唯恐後張
帆半夜起撇若驚蓬走盈盈水中蓮鬱鬱堤上柳相別
不相見已行更回首人生如朝露理固無可久可為惟

有德萬一或不朽行也死後已庶猶無大咎君恩不勝
報聊一報我友

行西城

我將行西城曲指計日月汝來今幾時已卜錢塘別我
衰況多病冉冉髻已雪安能久去汝漫自投羈紲田園
苟可飯聲利非吾屑與汝歸去來相省至耆耄蒼茫尚
無溪空復愁如結

漢上謁劉執中

塵土能污人有如衣匪澣驅車出閨閣縱目盡江漢漁
舟泛青雲瀟灑鴈為伴蘆花如飛雪時逐風散漫可憐
獨清人憔悴行澤畔

菊苗

重陽黃菊花零落殆無有微陽動淵泉嫩葉出枯朽青
青好顏色寂寂霜雪後物理如轉環人生豈能久

採葵

古人採薇蕨我亦愛斯葵能隨朝陽傾不為秋露萎烹

調戒中厨聊以燕母慈拔根取蕪名未愧魯公儀

途中和君時

聞君欲脂車輾轉寐不安憂心頑如石百計不可寬鳴
鳩祇在桑歸鴈乃雲端一瞻百歎息強飲終無歡

寄君時四章章四句

我脂我車陟彼高岡母也吾懷匪居或忘我帆我舟汎
彼大江母也吾憂食匪或遑我池有魚亦可以羹何必
鮪及魴叔兮其歸哉我田有菽苟可以食何必稻與粱

叔兮其歸哉

自吉泛舟入贛

我行欲從車好風苦相招謂言困行役厭此道路遙駸駸四駱馬終日在岩窵簿書更追隨精耗髮欲焦乃復汎栢舟錦幔蘭為橈是時春始和暖風秀陵苔彼柳已青青彼桃已夭夭王事敢不脩我飲歌且謠彼不知之者謂我士也驕不知非所知我茲以逍遙

遊峴山

去年冬雪少二月春始晴南進峴首山東下石頭城揉
藍染江水爛錦貼園英幽亭一杯酒不用千載名

冬日道中作

夜臥衾裯單不敢嗟體寒晨餐疏食微不敢歎腹饑重
念饑寒民亦有甚我身我心苦嗟吁彼俗當何如

長蘆阻風

縱目江南路繫船惟上村長蘆雲作陣高柳石為根浪
逐江風急潮連海水渾雪霜千雨散鉦鼓萬兵屯蒲藻

魚遊處泥沙鳥篆痕參差鄰畫舫咫尺想空門貝葉有
秘語韋編無近言漫瞻雙去翼空飾兩朱轡好在彌天
釋何如免髣髴濁清羅酒筍南北看風幡敬信無非事
精微詎可論孤忠天未棄尚合辱垂恩

沐浴有感

去垢如去邪不欲留毫分髮不止一沐身不止三熏如
何迷本原浴德不自勤區區養穢棘俯仰愧前聞

宿金鉤館

絕域三十里窮村五七家雲深無去鴈日暮有棲鴉霧擁雲垂野霜連月在沙夜長無復寐寂寞聽寒砧

惠州

霧暗山千疊冰寒水一涯風高天作雪日晚露迷沙居士身如夢行人驛是家青燈無意緒點點自成花

和章承議通判來章

近水班荆坐綠山拄杖行雲煙窺勝槩風雨聽寒聲久累維摩病多慙衛玠清波瀾終未息哀哀共勞生

雲蓋寺詩

唐淨圓禪師初自石霜來得乳蘿洞喜之將宅焉初
至蛇虺塞路矯然怒視師師以法語告蛇引去既宿
而斃師為焚之旦視無遺燼有三泉出焉左者黑右
者清中者白師既築室從者如歸市逮今遂為名刹
舊日蛇虺穴今時薜蘿林寒泉三井舊高閣五峯深翠
竹娟娟老長松漠漠陰鳳凰池好在誰得老師心

道中

湖天冬不雪山地晚多風岸草猶全綠村花或自紅差
池歲聿暮寂寞雨其濛南北隨蓬轉浮生寄寓中

內鄉招提寺

淫雨宿蕭寺白雲思楚山病催顏色老淚裛鬢毛斑流
水終何事飛禽倦未還夢歸無別處驚嶺鳳林關

途中早起寄兄弟

為惜庭闈別方驚道路難醉憐山月古病怯野風寒駐
馬詢農耜臨溪問釣竿新詩如有得寫染寄歸翰

送巖夫庭佐歸寧

春雨傷行色秋風問後期
欲迎黃鳥意更遺白華詩
家塾求吾友親庭寄所思
獨吟城壁晚如悟角聲悲

接伴太傅離新館具兄迂於途

使者乘輅至將軍走馬迎
侏離何所語踴躍不勝情
寓目鴻鴈澤傷心秋杜行天
乎非有間我老獨無兄

夜泊睦州桐江

一水連銀漢千山擁古城
客乘清夜息舟倚碧溪橫
皓

月危峯影清風細浪聲嘔啞殊俗語慘淡異鄉情

余十一月甲申以使來武岡坐茅茨之室逼悶閻
之陋無故人往來之樂懷羈旅不足之情於是有
遊古山之寺在縣西十五里而山水俊拔深秀亦
有可愛者因畱置酒抵暮還驛而作是詩

澹日沙村晚霜晴溪路遙蠻人瞻虎節田父看星輅使
指勤咨問君恩費養調畏途諳跋涉遺策問芻蕘臘近
雲長暝春遲雪未消遠空低幕帶疊嶂露瓊瑤板屋誰

家舍茅簷何處橋梅香浮遠水藤古上重霄細草眠黃
犢巔崖落皂鵑兒童晴出牧婦女晚歸樵椎髻騎吹笛
斑衣行踏謠封疆連五嶺習俗帶三苗狐鼠威溪老豺
狼脫洞驕今當蒙潤澤久已靜氛妖歌舞隨鄉地耕桑
托聖朝威儀欣用夏姓氏恥稱僑僧至不千里寺名非
一朝小亭浮草莽高閣出岩窈窕細能沾潤峯危欲動
搖會觀禪味足還見講花飄茶汎波無跡香深篆未消
遠遊貪物象久客厭塵囂子美詩千首淵明醉一瓢儻

來淹白晝輕去恨連宵野色隨行李灘聲逐畫枕鳥歸
鳬漠漠旌旋雨蕭蕭淡月生昭曠青燈照寂寥歲時惟
箭激江海祇萍漂洪井連廬阜蒲山近斗杓且從周夢
去莫作楚辭招

在合肥幕中有作

幕府開雄盛朋遊望俊髦雙松鬬冰雪一鶚出蓬蒿春
雨吟花蒂秋霜滿蟹螯山川畱翰墨天地入風騷感慨
驚多變微生病一號酒卮餘寂淡詩筆惠英豪憂思生

心腑塵埃上鬢毛簿書今日困道路此身勞小雨開濡
滯清飈散鬱陶小亭山可見從此欲登高

送劉器之待制知真定府

時平謀帥重侍從輟名卿龍種三千騎虬髯十萬名紅
蓮王儉幕細柳亞夫營側道諸侯謁還鄉故老迎試詢
三將宅應過五梁城漫樂潭園勝難忘魏闕情守株嗟
我老仗鉞壯公行祗恐非朝夕君王召賈生

和春城北

春光未恣看已復見春深水漲千溪綠松低一路陰簿
書淹世態難黍亂鄉心莫廢清和飲枝頭李可沈

和晚北園

天氣非相逼東風已自歸樂遊終少及世事故多違桃
杏春如在溪山暑尚微早期筌楫泛頻縱角觴飛

和祖道國門外文淵子至東父餞席上贈別

行李隨長道飄蓬笑賤官望雲瞻白日臨水看驚瀾鳥
語如知節花開尚怯寒莫嫌春色淺畱到後園看

陳師道教授示黃梅詩次韻呈正夫學士

美色絕殊衆暗香時著人
齊州終自別不比嶺頭春
可但深宜晚須知巧耐寒
北人渾未識祇作棣棠看

大小沙陀二首

南障古北口北控大沙陀
土地稻粱少歲時霜雪多
古來長用武今日許通和
豈之驃姚將君王悟止戈

大小沙陀深沒膝車不留
蹤馬無跡曲折多途鳥亦惑
自上高岡認南北大風吹沙
成瓦礫頭面瘡痕手皴坼

層冰我我霜雪白狼顧鳥行愁覆溺一日不能行一驛
吾聞治生莫如嗇

和漢廣席上賦

秀色霜滋重餘香露洽鮮鵲巢靈殼媚蟾窟夜珠圓丹
橘非優貢蟠桃亦浪仙無嗟後林質未至大清天

龍泉

秋風入泉野吹散菊花芳萬里無人處千枝祇自香風
流憶彭澤時節念重陽物意雖寥寂能忘酒一觴

和君時余未至君時言有羣鵲集

舊重千金諾元為五日期水清冰破玉巖潤石凝脂命
駕不嫌遽舍車空悔遲多慙無道力有往鵲先知

和君時弟韻

流火退縮金盛強郊原日夜生寒涼梨垂栗皴橙柚香
田家笑語炊黃粱山水秀澈搖秋光重巖細菊斑斑黃
萬象呈露無遯藏時和歲豐辰亦良脂車與子遊上方
吐論縱橫氣軒昂書帙羅列圖畫張睥睨孔孟窺虞唐

偃息道與緣禪林冉冉定看移星霜

遊西山示同志

我少及長從公遊我今老矣公白頭淵明彭澤不歸去
太史周南方滯畱愛山興與精神聚形骸自笑縻珪組
欲騎馬去陟彼硯空羨鴻飛在于渚西山第一列洞天
別有日月無歲年洪崖已成丹竈藥瑤池每賦白雲篇
嘒嘒蟬噪竹枝露斑斑豹宿巔崖霧伯兮伯兮歸勿遽
人間旱禾須霖雨秋雨辛勤開菊花春風取次生蘭芽

我雖調公不敢易龍駒會去超邊沙

使北有懷

長年日戲老萊衣不忍此身終日違
今日馬頭燕北去不堪頻望白雲飛
白雲汝飛去何許悠悠會到江南路
朔風吹淚灑大河直與波瀾競東注

皇帝郊祀禮畢詣景靈恭謝次履中學士

黎明駕出告熙成朝野人呼萬歲聲
日上天門春意近雪殘宮瓦曉寒生
六龍寵護隨天仗三爵恩榮醉御觥

德似丘山毫未報白頭知愧不知榮

郊丘從駕

今歲郊丘上始躬宿齋初出未央宮百年禮樂星辰爛
萬國衣冠錦繡中精意與天相應接人心如水自流通
聖時好作休成記今日誰為太史公

和瑛師

江湖日夜着東流水上乾坤一點浮隅浦雲山隨客步
近村花竹慰人愁同舟自有林宗在結社還須惠遠遊

酒興正酣歸更懶坐看涼月上滄洲

送宋文先輩

夫子聲名二十年塵埃歎息欲華顛相如舊有凌雲賦
靖節今無種秫田南國寂寥歸見鴈北風悲壯屢聞蟬
思量世事真如幻合置窮愁頓酒邊

萬安道中

上下雞籠牛口灘灘頭濯濯雨聲寒氣蒸曉日雲無際
波漾春風雪未乾落絮竝花浮遠水飛鷗隨鷺度驚湍

扁舟穩泛滄浪遠珍重嚴陵一釣竿

嘗約誼父同遊龍泉奔走失期故作是詩奉和原

韻

野寺幽幽隱翠嵐山川形勢盡東南吟隨野竹吾懷愜
醉啜溪泉此意堪樂事難兼真可惜登高能賦亦曾諳
遊從欲盡林間勝雨氣渾渾滿古潭

送望之郎中提舉舒州靈仙觀

江干遠別幾秋螢汴曲相逢眼更青余志自能同豹變

弋人安得望鴻冥風流綠蟻千鍾酒香火黃庭一卷經
祇恐諸公還薦鶚未容輕去老巖扃

山林

鶴瘦松枯不自禁窮愁千緒欲相侵山林誰識謝公意
風月獨高梁甫吟行視水痕嗟不息靜看雲影愛無心
懶隨塵土趨時態欲就絲桐叩古音

暮雨

暮雨忽隨江上舟寒風髣髴轉清秋興隨烟月成千首

醉忤鶯花長四愁不繫可憐波上月忘機應喜海邊鷗
一聲畫角吹魂夢散落淮天曉未收

和張侍讀總翠亭

城隅東北起危亭卧棟飛簷控地形萬井不藏平野綠
一湖纔見遠山青春歸別圃低華幄雨歇寒蕪露翠屏
日暮登臨望樓闕誤隨飛鳥下南溟

會仙洞

大松十里建旌旗曉日朝霞五色衣幽谷靜聞猿一嘯

白雲時見鶴雙飛
花開洞府春長在人會
瀛洲夜未歸
家近武陵時入夢
詩成更憶故人薇

簡王大丞

我看繁劇頻搔首
君賦才名亦異常
尚有閒襟尋水石
更當佳句夢池塘
松苗自合分高下
昆鶴天教有短長
徐上青雲猶未晚
可無音問及滄浪

題醉心亭

紅塵萬里困征鞍
喜向幽亭一倚欄
日夜水聲趨澗曲

西南山色上雲端窗橫古木秋容老檻逼蒼崖雨氣寒
搜盡肺腸吟不就欲君親置畫圖看

寄臧渾

二月驅車出宋都轉頭即是十年餘可憐老大猶為客
莫怪尋常不作書蠟屐阮孚人不會鱸魚張翰子何如
寄聲莫污青峯地畱與先生作隱居

至雄州寄諸弟并呈諸友

馬頭今日過中都到得雄州更有書道路莫嗔音問少

天寒沙漠鴈全疎

和國信子育元韻

雪餘稅馬立孱顏
望盡南垂北際山
一段黃雲凝不散
野人說是瓦橋關

二月己亥曉出成祀高禱

淡雲斜日曉昏昏
風物遲迴認故園
竹葉密藏林下寺
桃花低映水邊村

塵沙騎馬聽流溪
淡薄春風却似秋
坐憶洞庭波萬頃

灘聲常在釣魚舟

塵土冥冥二月風寥寥天外有歸鴻
松陰想見芝山路
隔浦溪花岸畔紅

景繁見和再用前韻馳寄

魚飛鯨躍出波瀾獨立蓬萊縹緲間
曾有清詩寄蘆竹
能無歸夢到溪山

和執中及謝檢法

三年不見洛陽花今日襄陽看轉嘉
奔走簿書長似夢

不知春已滿人家

北風

北望南淮雲更遮
別離方覺路為賒
深林青杏還爭熟
淺水紅蓮亦自花

泊真州新河亭

鬢毛垂雪欲毵毵
道路風波老不堪
繫纜短亭聊自慰
青山數點見江南

蘆花

風起蘆花散雪紛紛故着枯槎曉日矇矓照處十分認
作梅花

沙柳

沙陀祇見塵土柳色如蓬故人憶着千條萬葉金明馳
道青春

擬田園樂二首

買田何須近郭作屋却要依山青松共我終始白鳥隨
人往還

山色依雲閣
淡溪聲漱玉
玲瓏孤笛醉
吹明月扁舟
卧釣秋風

山村即事

莫笑農家老
酒尊豐年留
客足雞豚山
重水複疑無
路柳暗花明
又一村

過虎北口

雪餘天色更
清明野店忽
聞雞一聲地
里山川從禹
畫人情風俗
近燕京漁陽
父老常流涕
燕領將軍孰
請纓

容覆不分南與北方知聖德與天平

燕姬

有女夭夭稱細娘真珠絡臂面塗黃南人見怪疑為瘡

墨吏矜誇是佛裝

按西神脞說燕俗婦人有顏色者目為細娘面塗黃者謂為佛裝

巢燕初至

一雙掠水燕來初萬點飛花社雨餘辛苦成來君莫破

從來吾亦愛吾廬



兩宋名賢小集卷一百十三

欽定四庫全書

集部

兩宋名賢小集卷一百十四至九

詳校官中書_臣閔思毅

助教_臣常循覆勘

總校官編修_臣王燕緒

校對官編修_臣何循

謄錄監生_臣李連

欽定四庫全書

兩宋名賢小集卷一百十四

宋 陳思 編

元 陳世隆 補

東湖居士集

徐俯字師川洪州分寧人以父禧死事授通直郎紹興初賜進士出身累官端明殿學士簽書樞密院事權參知政事有東湖集

題顏魯公畫像

公生開元間壯及天寶亂捐軀范陽兵竟死蔡州叛其
賢似魏徵天下非貞觀四帝數十年一身逢百難少時
讀書史此事心已斷老來鬢髮衰慨歎功名晚嗟哉忠
義徒捷去不可緩初無當年悲只令後世歎一朝絕霖
雨南畝常亢旱小人計雖得斯民蓋塗炭長歌永君節
千載勇夫愼敬書子張紳庶幾古人半

滕王閣

一日逢王造千年與客遊雲邊梅嶺出坐上贛江流日
落迴飛鳥烟深失釣舟蟬聲枯柳外天地晚風秋

雲氣浮高棟波瀾遠古城雨餘山更碧葉下水逾清燕
語留秋色鴉聲落晚晴昔王歌舞地帆急見山行

同曾戶部吳縣尉張秀才北山僧房尋梅令客對
棋

處處已收南畝稻閒閒還看北山梅累觴聊爾酡顏在
對局怡然笑口開掃徑似知佳客至杖藜惟可數君來

移松種樹鄱陽老章貢風帆歲一迴

庭中梅花正開用舊韻貽端伯

羌笛何勞塞北吹江南何處不寒梅千秋寂寂無人看
獨樹亭亭對客開偏為咨嗟惟爾念是誰移種待君來
縱留一曲安能唱恰似朝歌墨子迴

戊午山間對雪

雪中出去雪邊行屋下吹來屋上平積得重重那許重
飛來片片又何輕簷間日暖重為雨林下風吹再落晴

表裏江山應更好溪山已復不勝清

詠史

楚漢分爭辨士憂東歸那復割鴻溝鄭君立義不名藉
項伯胡顏肯姓劉

游潛峯二首

昔年會稽探尚書探得六甲開山圖載之潛南天柱山
上侵霄漢下淵泉真人秘語世不傳但見絕頂蒙雲烟
漢武射蛟浮九江舳艫千里來樅陽築壇祈仙瞻杳茫

茂陵檜柱空青蒼石牛一臥叱不起白鹿還歸深洞裏
二月靈鶴有來時洞口桃花泛流水

久留舒子國慣作北門遊山遠三峯出溪長二水流

明皇夜游圖

歌吹開元曲鉛華天寶粧苑風翠袖冷宮露赭袍光閨
闥連閭闔驛駟從驕驪千門還欲曉九陌乍聞香

李賀晚歸圖

近代推名畫諸君作薦書皇都開藝學博士是新除高

柳長安道亂雲昌谷居丹青聊至此僕馬晚歸歟

饒守董尚書令畫史繪釋迦出山相及維摩居士
使靈山香火之因不斷復惠臘藥數種皆病夫所
欲也作此寄之

示病毘耶金粟影出山五祖金仙相神妙通靈顧虎頭
白蓮香火空諸妄臘中發藥補衰朽扶杖清風看花柳
提書政用此時來開顏正爾難忘酒韓門弟子更誰如
即今猶有董安于更有承明兩學士與公相對白髭鬚

成生山水畫歌

畫水不畫濕畫山不畫堅盈尺之紙數寸管便有江湖
萬里天成生貌古心亦古造化為工筆端取玄冬起雷
夏造冰翻手作雲覆手雨巔外荒山與野水自昔不聞
傳畫史只畫瀟湘與洞庭于今却在兵戈裏翠峯碧嶂
鬱然來病眼愁心次第開人家浦溆扁舟渡何日真能
到一迴

次韻可師題于逢辰畫山水二首

江漢踰千里陰晴自一川故山黃葉下夢境白鷗前巫
峽常雲雨香爐舊紫烟布帆無恙在速上釣魚船

席上浮三楚毫端會百川名令大年亞意古惠崇前竟
日對秋色無時散暝烟知君不浪語一眼認歸船

單老畫樹石山水歌

老樹筆間生竒石筆下出濃淡高低遠近山陰晴朝暮
烟雲沒漠漠江天杳杳空不勞施力自然中便于沙際
尋歸路却怪霜林葉不紅

畫虎行為吉州假守蘇公作

昔日何人畫於菟君家獨有他家無宣城老包骨已朽
紛紛俗子尚譙呼大虎蹲踞小虎戲目光注射百步外
名畫多聞內府收人間豈惜千金費巉巖岩谷中石
老樹穹枝拂秋色銳頭將軍射不得卻挂江南使君壁
林間一嘯四山風麋驚狐號鳥墮空不向南山隨李廣
只愁東海笑黃公憶昔余頑少小時先生教誦荆公詩
只今耆舊無新語賴有廬山病可師

再次韻題于生畫豹二首

耽酒豐城客子醉畫山崦人家他日營丘伯仲高名遠
出長沙

彭蠡何限秋鴈此君胃次為家醉裏舉羣飛出著行排
立平沙

春日登眺遊寶勝諸寺且觀名畫

護法儼神龍諸天擁梵宮樓臺春日麗海岳畫圖雄浦
樹重重綠園花灼灼紅微風吹細雨只在夕陽中

次可師韻

五湖出畫師手一葉浮漁父家風
裏芙蓉野色雨中鴻鴈汀沙

白鷺洲

金陵與廬陵俱出白鷺洲相望萬里江中同二水流

雙廟

開元天寶間袞袞見諸公不聞張與許名在臺省中

跋韓子蒼代葛亞卿詩

夏木陰陰欲放船黃鸝啼了落花天十詩盡說人間事
付與風流葛稚川

訪鄒道卿故居

履霜頗强健晨興恣所適兩兒休籃輿呼客同蠲屐危
橋出隘巷憑高聊物色蒿然但林莽蕪廢長荆棘井灶
那復移江山依舊碧要知千載下懷賢求所歷

句

平生功名心夜牕短燈檠

離鸞只說閨中事
舐犢那知母子情

咏慈母溪

兩宋名賢小集卷一百十四